



FASCES ACADEMICOS

Serenissimo & Celsissimo

PRINCIPI AC DOMINO,

DN. IOHANNI
GVILIELMO

DVCI SAXONIÆ, JULIACI, CLIVIÆ AC
MONTIVM, LANDGRAVIO THVRINGIÆ, MAR-
CHIONI MISNIÆ, PRINCIPI HENNEBERGICO,
COMITI MARCÆ ET RAVENSBURGI, DY.

NASTÆ IN RAVENSTEIN.

DIE XXIII FEBR. ANNO M DC LXXXIIX.

RITE DELATOS

SUBMISSO ANIMI CVLTV

ADMIRATVR

EJVS CELSITVDINIS

DEVOTISSIMVS CLIENS

LVDOVICVS HENRICVS à WVRMB.

JENÆ,

LITERIS IOAN. ZACH. NISL.



SISTE VIATOR GRADVM

huc præteriens,

trophea aspiciens,

quæ amor civium, non arma hostium posuere

SERENISSIMO ET CELSISSIMO

PRINCIPI AC DOMINO,

DN. JOHANNI GVILIELMO,

PRINCIPI, *inter Principes non ultimo*

DOMINO, *qui non sanguine perfuso, sed infuso
dominium sibi in suos vendicat.*

Ut enim cives ad obsequium devinceret

vicit amore.

O Amor & Delicium Patriæ,

immo Pater in juventute Patriæ.

Aurea Tu dignus statuâ,

Quod Te regnante,

aurea rediisse secula videantur.

Candide Viator,

fige paululum pedem,

pedem fige, & mirare,

quantum honorum in Hoc Salana acceperit;

Quantum virtutum Hic in se incluserit,

quod se nusquam nisi in se inveniat;

Quantum Hic præsentis ævo sit daturus,

postero relicturus,

vel admirationis, vel imitationis;

Neque pauciora virtutum exempla dabit,
quam à Majoribus accepit:

Quinimo
accepta primis annis cum fœnore rependit,
in juventute Senectutis specimina edens,
dum teneris suis humeris,

fascēs vere fascēs academicos imponere gaudet.

Nec Hunc labor iste gravabit!

Licet enim honos, onus,

quem sudore mordaci superi venalem habent,
tamen tenerum animum sudore indurare studet,

ut aliquando Ætnæ instar,

tepido subditorum effectui,
affectu calidissimo respondeat.

Probe callens,

oneri supponere humeros,

fortium esse.

Orbem sustentare,

Atlantis & succollantis esse Herculis.

Ære famæ nihil gravius;

Fumo honoris nihil ponderosius;

imo hæc esse mortalium fata,

leve nihil,

omnia gravia,

nisi quæ fama gravitate levat.

Levi enim anhelitu spiritus expirat

virtus spirat in secula,

solaque famâ post vitam virtus vivit,

qua vivit posteritati.

Hem Viator Candide!

collige quid sit futurum.

Quem enim excelsa virtus vivum æternitati

adscribit,

quid æternitas, seu ut rectius loquar, posteritas faciet?

Nostrum est

Hujus encomio, quod supra omne est encomium

adscribere:

FELICITER FELICITER!

Felix sit introitus,

felicior transitus,

felicissimus exitus.

Adeo, ut sub umbra Hujus alarum

Alma Salana

vigeat felicissime,

floreat quam diutissime.

Perge Viator,

Et quæ imitari non potes,

mirare.





FASCES ACADEMICOS

Serenissimo & Celsissimo

PRIN
DN. ANNI
GV LMO

DVCI SAXO CI, CLIVIAE AC
MONTIVM, L HVRINGIAE, MAR-
CHIONI MISN IENNEBERGICO,
COMITI M NSBURGI, DY.
N STEIN.

DIE XX DC LXXXIIX.

SV CVLTV

EJ VDINIS

ENS

LVDOVI VS à WVRMB.

JENÆ,

LITERIS IOAN. ZACH. NISL.

